



### **Sanaziun Via Maistra - müdamaint proget - infuormaziun e decisium**

In connex cun las protestas da la publicaziun publica dal 2021 sun uossa davart dal cumün e dal chantun Grischun gnüts fats tuot ils sclerimaints a regard il proget sanaziun Via Maistra a Zernez. Ils recurrents han intant surgni respostas da l'Uffizi da construcziun bassa. La suprastanza cumünala ha uossa rinvià il proget a la Regenza dal chantun Grischun per l'acconsentimaint.

### **Brail, Ils Muots Sura - lavurs d'asfalt - surdatta da lavur**

Pro la via da quartier Ils Muots Sura, Brail ston amo ils ultims 40 meters gnir asfaltats. Cun quai cha l'ultima parcella a la fin da la via pertocca es uossa surfabrichada, dess quista pendenza gnir evasa cun üna nouva vetta d'asfalt. Las lavurs d'asfaltar sun gnüdas surdattas a la firma Hew AG, Zernez e vegnan executadas da prümavaira 2024. Implü vegn complettada in quist lö l'igluminaziun publica.

### **Zernez, Via Ertas - refacziun asfalt etappa 2024 - surdatta da lavur**

La via champestra d'Ertas es fingià daspö ons in ün fich nosch stadi. Perquai esa necessari da manar tras refacziuns, chi stan in connex culla sgürezza da trafichar. Las lavurs per la refacziun d'asfalt sun gnüdas surdattas a la firma Hew AG, Zernez.

### **Zernez, Via Vallainas - refacziun - surdatta da lavur**

La Via Vallainas, Zernez ha da gnir refatta cun üna vetta fina. Las lavurs da mantegnimaint sun gnüdas surdattas a la firma Flura Agrar, Müstair.

### **Zernez, Via Ivraina - mantegnimaint e sgürar il corp da via - surdatta da lavur**

L'access pel territori dad Ivraina es in ün stadi moderà. Impustüt il prüm toc chi traversa la gripa es critic. Per garantir la sgürezza dal trafic (motorisà e plan) vers Ivraina esa previs da sgürar la via sün üna lunghezza da bundant 50 meters. La suprastanza cumünala ha surdat las lavurs d'ancoragis a la ditta GallForst AG, Zernez.

### **Sanaziun sarinera Zernez - surdatta da lavur**

Il cumpressur d'ajer da la sarinera Zernez es fich vegl ed nu's cunfa plü cun las pretaisas da la nouva sarinera. Our da quel scopo sto il cumpressur gnir rimplazzà tras ün nouv, adattà a las novas circumstanzas. La lavur pel rimplazzamaint descrit es gnüda surdatta a la firma ALUP Kompressoren, Oftringen.

### **Producziun e transports ziplas 2024 - surdatta**

Per garantir üna buna qualità da ziplas per la centrala da s-chodamaint in Cul a Zernez es gnüda surdatta la producziun da ziplas per l'on 2024 a la firma Fritz Bott impraisa forestala, Valchava. Ils transports da la laina raduonda sun gnüts surdats a la ditta Alfons Mayolani AG, Zernez.

### **Nettiar e dischinfectar reservuars - surdatta da lavur**

Per garantir üna buna qualità d'aua da baiver esa necessari cha'ls reservuars dal Cumün da Zernez vegnan pulits e dischinfectats üna jada l'on. La suprastanza cumünala ha surdat quist'incumbenza a la firma Aquagrischa AG, Clostra pels prossems tschinch ons, fin dal 2028.

### **Tschintuns da gomma pella maschina da loipa - surdatta da furniziun**

Sco previs i'l quint d'investiziun 2024 esa planisà da rimplazzar la maschina da loipa per las loipas a Zernez. La maschina actuala vain dispuonüda a Lavin pellas loipas e sendas da spassegiar per las fracziuns da Lavin e Susch. Cun quai cha la maschina sto transir sün vias d'asfalt, esa important da montar tschintuns da gomma. La furniziun es gnüda surdatta a la ditta Pistec GmbH, Heiligkreuz.

### **Rimplazzamaint ISUZU - cumprita nouv veicul**

Cul preventiv 2024 esa previs da rimplazzar il veicul ISUZU da las Gestions Tecnicas. La furniziun dal nouv veicul es gnüda surdatta a la garascha Nodèr AG, Susch.

**Bogn da famiglia - lavurs da revisiun 2024**

Sco minch'on esa previs eir quista prümavaira da far lavurs da revisiun i'l bogn da famiglia a Zernez. Il gremi respunsabel ha deliberà quistas lavurs. La revisiun ha lö tanter ils 6 e 26 avrigl 2024. Dürant quist temp es serrà il bogn da famiglia.

**Zernez Energia 2020 - dumondas da sustegn**

Trais dumondas da sustegn per sanaziuns energeticas d'abitaculs our dal fondo Zernez Energia 2020 sun gnüdas approvadas. Illa fracziun da Susch vain sustgnü Guido Christoffel per la sanaziun energetica da sia chasa. Illa fracziun da Zernez vain sustgnü il Parc Naziunal Svizzer per la montascha d'ün indriz fotovoltaic e la STWEG Runatsch per la sanaziun energetica da la chasa.

**Büro electoral per las votaziuns chantunales, federalas ed elecziuns regiunales dals 9 gün 2024**

La suprastanza cumünala ha elet il büro electoral per las votaziuns dals 9 gün 2024. Al büro electoral fan part: Domenic Toutsch sco president, Jürg Wirth, Irma Tognini, Riet Denoth, Duosch Städler, Tamara Zellweger e Ladina Rodigari sco actuara.

**Radunanza cumünala - tractandas provisoricas dals 30 mai 2024**

La glista da tractandas provisorica da la radunanza cumünala dals 30 mai 2024 es gnüda discutada. A quista radunanza vain preschantà principalmaing il rendaquint 2023.

**Permiss d'ustaria**

Il Cumün da Zernez ha acconsenti a partir dals 23 avrigl 2024 ad Andrea Müller da Susch ün permiss d'ustaria pel café illa Butia Müller «Treffpunkt» a Susch.

**Il Cumün da Zernez ha acconsenti ils seguaints permiss da fabrica:**

Parcella no. 2097, Müller Claudio e Sarah, Susch – annex cun üna nouva abitaziun

Parcella no. 3037, Suter Barbara e von Arx Michael, Lavin – restructuraziun chasa no. 54, müdamaint da proget

**Persunal**

Principi november cumainza Andri Thom da Zernez, sco nouv mainagestiun sarineras sia plazza pro'l Cumün da Zernez. Andri Thom vain introdüt successivamaing in sias incumbenzas da seis antecessur Jon Andreia Filli, chi gearà dal 2026 in pensiun.